

**Javna ustanova Terapijska zajednica - Kampus Kantona Sarajevo**



**Public Institution Therapeutic Community - Kampus of Canton Sarajevo**

---

**Bosna i Hercegovina  
Federacija BiH  
Kanton Sarajevo  
JU Terapijska Zajednica –Kampus Kantona Sarajevo**

**PRAVILNIK  
O PRIJEMU I OTPUSTU KORISNIKA**

**Sarajevo, januar 2021. godine**

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

Na osnovu člana 27. stav 1. alineja 6. Zakona o ustanovama ("Službeni list RBiH" br.6/92, 8/93 i 13/94), Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, br.38/14 prečišćeni tekst, 38/16 i 44/17 i 28/18), člana 29. Pravila JU Terapijska zajednica-Kampus Kantona Sarajevo, Upravni odbor JU Terapijska zajednica-Kampus Kantona Sarajevo na sedmoj sjednici održanoj 28.01.2021. godine donosi:

### PRAVILNIK O PRIJEMU I OTPUSTU KORISNIKA I OPĆE ODREDBE

#### Član 1.

Pravilnikom o prijemu i otpustu korisnika u Javnu ustanovu Terapijsku zajednicu Kampus- Kantona Sarajevo (u daljem tekstu: Kampus) utvrđuju se način formiranja i rada Komisije za prijem i otpust korisnika (u daljem tekstu Komisija), pravila i uvjeti prijema i otpusta korisnika Kampusa.

#### NAČIN FORMIRANJA I RADA KOMISIJE

##### *Broj članova i način formiranja Komisije*

#### Član 2.

Komisija se formira odlukom direktora i broji tri (3) člana.  
Direktor imenuje članove i predsjednika Komisije koji saziva i vodi sastanke Komisije.  
Predsjednik Komisije i članovi se imenuju na period od jedne (1) godine.  
Posebnom odlukom direktor Kampusa će imenovati glavnu kontakt osobu.

##### *Način rada Komisije*

#### Član 3.

Komisija se sastaje po potrebi, odnosno prilikom rješavanja statusnih pitanja korisnika Kampusa kao što su: prijem u tretman, otpust ili prekid tretmana, upućivanja u drugu ustanovu, uključivanje u druge programe Kampusa (savjetovanje i podrška), prilikom kršenja Pravilnika o kućnom redu i drugih akata Ustanove.

Komisija u svom radu donosi preporuke i mišljenja.

Komisija donosi preporuke i mišljenja većinom glasova.

Komisija donosi preporuke i mišljenja u pisanom obliku i iste dostavlja Odjelu za pripremno-prijemne poslove.

Komisija može donijeti sljedeće preporuke i mišljenja:

- za prijem korisnika u tretman,
- za odlazak korisnika u nadležnu službu socijalne zaštite po adresi prebivališta,
- za odlazak korisnika u Zavod za bolesti ovisnosti Kantona Sarajevo, i druge ustanove
- o neispunjavanju uslova za prijem korisnika,
- o odgodi prijema korisnika u tretman,
- o završetku tretmana korisnika,
- o potrebnom produženju rezidencijalnog tretmana,

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

- o otpustu i isključenju korisnika iz tretmana,
- o prijemu korisnika u Program podrške i reintegracije,
- o prijemu korisnika u Program savjetovanja.

### **PRIJEM KORISNIKA**

#### **Član 4.**

Kampus će vršiti prijem, smještaj i tretman korisnika na osnovu važećih zakonskih regulativa i propisa koji uređuju oblast socijalne zaštite u Federaciji BiH, odnosno u Kantonu Sarajevo.

#### ***Prijava korisnika u Kampus***

#### **Član 5.**

Kada se osoba obrati posredno ili neposredno i zatraži pomoć u Kampusu, nakon obavljenog inicijalnog razgovora, Komisija na osnovu procjene i odgovarajuće dokumentacije donosi mišljenje ili preporuku iz člana 3.ovog Pravilnika. Ukoliko Komisija donese mišljenje o prijemu u tretman, osoba prijavljena za tretman se upućuje u kantonalnu nadležnu službu socijalne zaštite po adresi prebivališta. Osobe prijavljene za tretman Kampusu obraćaju se nadležnoj službi socijalne zaštite, gdje će preuzeti Zahtjev sa listom potrebnih dokumenata za ulazak.

Nadležna služba socijalne zaštite po adresi prebivališta korisnika, donosi Rješenje o smještaju u Kampus.

#### **Član 6.**

Prijem osobe prijavljene za tretman prije donošenja rješenja nadležne službe socijalne zaštite može se izvršiti na osnovu Terapijskog ugovora (u skladu sa Zakonom o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom).

#### **Član 7.**

Korisnik koji ima prebivalište izvan Kantona Sarajevo, na teritoriji Federacije Bosne i Hercegovine obraća se i podnosi zahtjev službi socijalne zaštite općine kojoj pripada.

#### **Član 8.**

Prijem osobe prijavljene za tretman bez donošenja rješenja nadležne službe socijalne zaštite može se izvršiti na osnovu Privatnih ugovora. Komisija na osnovu procjene i prikupljene odgovarajuće dokumentacije donosi preporuku o prijemu.

Privatni ugovor može biti zaključen na period od najmanje mjesec dana.

Prilikom prijema, naručilac usluga potpisuje Privatni ugovor o plaćanju tretmana i smještaja u JU Terapijska zajednica – Kampus Kantona Sarajevo.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

### Član 9.

Pri ulasku u tretman, korisnik će potpisati Terapijski ugovor o rezidencijalnom tretmanu, kojim prihvata uslove i sve važeće odredbe Terapijskog ugovora.

### Član 10.

Prijem i smještaj osoba u Kampus se vrši u skladu sa Uputstvom o vođenju evidencije o korisnicima i pruženim uslugama u javnim ustanovama.

## NEOPHODNA DOKUMENTACIJA ZA PRIJEM KORISNIKA

### Član 11.

Potrebna dokumentacija za prijem korisnika je sljedeća:

- Urađeni nalazi na Hiv i Hepatitis A, B i C,
- Brisevi (nos i grlo),
- Nalaz psihijatra ili neuropsihijatra,
- Test na psihoaktivne supstance,
- Prijava u nadležnu službu socijalne zaštite, po adresi prebivališta (za korisnike koji ostvaruju pravo smještaja putem Centra za socijalni rad).
- U slučaju epidemiološke situacije, potrebno je da korisnik uradi odgovarajući test na zaraznu bolest (Covid-19 ili u slučaju epidemiološke situacije u vezi druge zarazne bolesti)

U slučaju potrebe Komisija može konsultovati ljekara opšte prakse prilikom donošenja mišljenja ili preporuke za prijem korisnika.

U izuzetnim situacijama, neophodna dokumentacija se dostavlja najkasnije u roku do deset dana na osnovu procjene komisije za prijem i otpust.

## ODREDBE O PREKIDU UGOVORA I OTPUSTU KORISNIKA

### Član 12.

Komisija će donijeti preporuku ili mišljenje o otpustu korisnika iz sljedećih razloga, a na osnovu odgovarajuće dokumentacije:

- Kada je njegov dalji boravak postao nemoguć zbog njegovih psihofizičkih promjena ili zbog nepostojanja uvjeta za odgovarajući tretman a u roku od 7 dana,
- Zbog grubog kršenja ili nepridržavanja odredbi Pravilnika o kućnom redu i drugih akata Ustanove, donosi se odmah, a najdalje u roku do 72 sata,
- U slučaju podnošenja zahtjeva za prekid tretmana od strane korisnika ili naručioca usluga kod Privatnog ugovora,
- Na osnovu uputnog akta za izdržavanje krivične sankcije od strane nadležnog suda,

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

### Član 13.

Korisnik nakon otpusta može biti ponovo primljen u rehabilitacijski tretman na osnovu preporuke i mišljenja Komisije, u zavisnosti od raspoloživih resursa Kampusu.

### ODREDBE O NEISPUNJAVANJU USLOVA ZA PRIJEM KORISNIKA

#### Član 14.

Korisnik neće biti primljen na smještaj ukoliko je njegovo psihičko i zdravstveno stanje takvo da s obzirom na svoju djelatnost, Kampus nije u mogućnosti pružiti odgovarajuće usluge korisniku.

Ukoliko se utvrdi da je korisnik ranije, za vrijeme prethodnog tretmana, počinio krivično djelo u Kampusu (stavljanje u promet i uživanje psiho aktivnih supstanci i alkohola, unošenje vatrenog ili hladnog oružja) tj. unio je u Kampus ilegalnu supstancu, Komisija može donijeti mišljenje o neispunjavanju uslova za prijem. Na osnovu mišljenja Komisije o neispunjavanju uslova, obavještava se nadležna služba socijalne zaštite u kojem se navodi razlog neispunjavanja uslova za prijem korisnika u tretman.

Ukoliko se utvrdi da je korisnik ranije, za vrijeme prethodnog tretmana, ponavljano grubo kršio Pravilnik o kućnom redu, što je dovelo do njegovog isključenja iz tretmana, Komisija može donijeti mišljenje o neispunjavanju uslova za prijem. Na osnovu mišljenja Komisije o neispunjavanju uslova, obavještava se nadležna služba socijalne zaštite u kojem se navodi razlog neispunjavanja uslova za prijem korisnika u tretman.

### ZAVRŠETAK TRETMANA

#### Član 15.

Nakon završenog tretmana, korisnik će dobiti dokaz o završetku tretmana u Kampusu.

#### Član 16.

Kada Komisija na osnovu dokumentacije prikupljene u toku rezidencijalnog tretmana procijeni da je korisniku potrebno pružiti podršku i savjetovanje, može donijeti mišljenje o nerezidencijalnom tretmanu koji podrazumijeva pružanje podrške i savjetodavnog rada.

Sastavni dio ovog Pravilnika čini Terapijski ugovor o rezidencijalnom tretmanu, Ugovor o međusobnim pravima i obavezama u vezi sa pružanjem i korištenjem usluga smještaja u Javnu ustanovu Terapijska zajednica – Kampus Kantona Sarajevo, Privatni ugovor o plaćanju tretmana i smještaja u JU Terapijska zajednica- Kampus Kantona Sarajevo, Terapijski ugovor o psihosocijalnoj podršci i reintegraciji korisnika i Terapijski ugovor o savjetovanju.



**Public Institution Therapeutic Community - Kampus of Canton Sarajevo**

**ZAVRŠNE ODREDBE**

**Član 17.**

Pravilnik se mijenja i dopunjuje na način propisan za njegovo donošenje.

**Član 18.**

Ovaj Pravilnik stupa na snagu danom donošenja.

**Prilog ovog Pravilnika**

- Terapijski ugovor o rezidencijalnom tretmanu,
- Ugovor o međusobnim pravima i obavezama u vezi sa pružanjem i korištenjem usluga smještaja u Javnu ustanovu Terapijska zajednica – Kampus Kantona Sarajevo,
- Privatni ugovor o plaćanju tretmana i smještaja u JU Terapijska zajednica- Kampus Kantona Sarajevo,
- Terapijski govor o psihosocijalnoj podršci i reintegraciji korisnika,
- Terapijski ugovor o savjetovanju.

Broj:35-01-02- 75 /21  
Datum: 28.01.2021. godine



m. p.

INPAD Bajramović